



МОНГОЛ УЛСЫН ИХ СУРГУУЛИЙН
ЗАХИРЛЫН ТУШААЛ

2019 оны 11 сарын 14 өдөр

Дугаар A/483

Улаанбаатар хот

Г
МУИС-д суралцагч шилжүүлэн
суралцуулах журам батлах тухай

Дээд боловсролын тухай хуулийн 12 дугаар зүйлийн 12.1.4, 12.1.6, МУИС-ийн Дүрмийн 4.3.1, 4.3.8.8 дахь заалт, МУИС-ийн Захиргааны зөвлөлийн 2019 оны 11 дүгээр сарын 12-ны өдрийн хурлын тэмдэглэл, шийдвэрийг тус тус үндэслэн ТУШААХ нь:

1. "МУИС-д суралцагч шилжүүлэн суралцуулах журам"-ыг хавсралтаар шинэчлэн баталсугай.
2. МУИС-д суралцагч шилжүүлэн суралцуулах журмыг 2019-2020 оны хичээлийн жилийн хаврын улирлын шилжилтээс эхлэн мөрдсүгэй.
3. Энэхүү тушаал гарсантай холбогдуулан МУИС-ийн Захирлын 2017 оны 12 дугаар сарын 28-ны өдрийн A/409 тоот тушаалаар батлагдсан "МУИС-д суралцагч шилжүүлэн суралцуулах журам"-ыг хүчингүй болсонд тооцсугай.
4. Журмын хэрэгжилтэд хяналт тавьж ажиллахыг бүрэлдэхүүн сургууль, нэгжийн удирдлага, Сургалт, оюутан хариуцсан дэд захирал /Б.Очирхуяг/-д тус тус үүрэг болгосугай.

ЗАХИРЛЫН ҮҮРЭГ
ГҮЙЦЭТГЭГЧ

Я.ТӨМӨРБААТАР



Захирлын 2019 ... оны ... дүгээр
сарын ...-ны өдрийн ... дугаар
тушаалын хавсралт

1117144746
УХД0072 9104399

МОНГОЛ УЛСЫН ИХ СУРГУУЛЬД СУРАЛЦАГЧ
ШИЛЖҮҮЛЭН СУРАЛЦУУЛАХ ЖУРАМ

Нэг. ЕРӨНХИЙ ЗҮЙЛ

1.1. Гадаад, дотоодын их, дээд сургуулиас Монгол Улсын Их Сургуульд (цаашид "МУИС" гэнэ), мөн МУИС-ийн бүрэлдэхүүн/салбар сургууль, хөтөлбөр хооронд оюутан, магистрант, докторант (цаашид "бүртгүүлэгч" гэнэ) шилжин суралцах асуудлыг зохицуулахад энэхүү журмыг (цаашид "журам" гэнэ) мөрдөнө.

1.2. МУИС-ийн бүрэлдэхүүн/салбар сургууль, хөтөлбөрт шилжин суралцах хүсэлт гаргасан суралцагчийг "бүртгүүлэгч", шилжилтийн цахим бүртгэлийн системийг "бүртгэлийн нэгдсэн систем" (<https://burtgel.num.edu.mn>), шилжилтийн үйл ажиллагааг нэгдсэн байдлаар зохион байгуулахаар томилогдсон комиссыг "шилжилтийн комисс", шилжилтийн үйл ажиллагааг зохион байгуулахад оролцох багш ажилтныг "комиссын гишүүн" гэнэ.

1.3. Шилжилт авах хөтөлбөр, хяналтын тоог бүрэлдэхүүн сургуулийн элсэлтийн хяналтын тоо болон мэргэжил сонголт, идэвхтэй суралцагчийн тоо, мэргэжлийн тэнхим, бүрэлдэхүүн/салбар сургуулийн санал зэрэгт үндэслэн тухай бүрд нь МУИС-ийн захирлын тушаалаар баталж зарлана.

1.4. Энэхүү журамд тусгагдаагүй асуудлыг шилжилтийн комиссын хурлаар хэлэлцэж, холбогдох дүрэм, журамд нийцүүлэн шийдвэрлэх болон шилжилттэй холбоотой бусад үйл ажиллагааг зохицуулна.

Хоёр. ШИЛЖИЛТИЙН КОМИСС

2.1. Шилжилтийн үйл ажиллагааг шилжилтийн комисс хариуцан зохион байгуулна.

2.2. Шилжилтийн комиссын даргаар Сургалт, оюутан хариуцсан дэд захирал, нарийн бичгийн даргаар Элсэлт, бүртгэл хариуцсан нэгжийн дарга, гишүүнээр Хөтөлбөр, чанарын баталгаажуулалт хариуцсан нэгжийн дарга, Мэдээллийн технологи хариуцсан нэгжийн дарга, Бүрэлдэхүүн сургуулийн захирал, Тэнхимиийн эрхлэгч, багш, Элсэлт, бүртгэл хариуцсан нэгжийн ахлах мэргэжилтэн, мэргэжилтэн, ажилтан нарыг тус тус МУИС-ийн захирлын тушаалаар томилно.

2.3. Шилжилтийн комиссын дарга шилжилтийн ажлыг удирдлагаар хангаж, комиссын гишүүд зохион байгуулалтын ажлыг гүйцэтгэн, хяналт тавьж оролцоно.

2.4. Элсэлт, бүртгэл хариуцсан нэгж нь тухайн жилд шилжилт авах шалгалтын хуваарь гаргах, шалгалт зохион байгуулах, шалгалтын дүнг системд оруулах, шилжих хүсэлт гаргагчийн материалыг шалгах, багц цагийн дүйцүүлэлт хийх ажлыг хариуцна.

Гурав. БАКАЛАВРЫН ХӨТӨЛБӨРТ ГАДААДЫН
ИХ, ДЭЭД СУРГУУЛИАС ШИЛЖИН СУРАЛЦАХАД
ТАВИГДАХ ШААРДЛАГА

1117144746
УХД0072 9104309

3.1. Гадаадын их, дээд сургуулиас¹ шилжин суралцах хүсэлт гаргасан бакалаврын түвшний бүртгүүлэгч нь сүүлийн 2 жилийн хугацаанд 12-оос багагүй багц цагийн хичээл амжилттай судалсан байна. Үүнд:

3.1.1. МУИС-аас дээгүүр эрэмбэтэй их дээд сургуулиас бүртгүүлэгчийн хувьд нийт суралцсан хугацааны голч дүн 2.5-аас дээш байх;

3.1.2. МУИС-аас доогуур эрэмбэтэй их дээд сургуулиас бүртгүүлэгчийн хувьд нийт суралцсан хугацааны голч дүн 3.2-оос дээш байх;

3.1.3. МУИС-ийн салбар сургууль (Завхан, Эрдэнэт)-д бүртгүүлэгчийн хувьд нийт суралцсан хугацааны голч дүн 2.5-аас дээш байх;

3.2. Гадаадад бүрэн дунд боловсрол өзэмшиж төгссөн, ерөнхий шалгалтын оноо /SAT болон бусад/-той элсэгч шилжин суралцах хүсэлт гаргасан бол Боловсролын үнэлгээний төвөөс баримтлах журмын дагуу элсэлтийн ерөнхий шалгалтын оноонд шилжүүлэн тооцуулсан байх;

ДӨРӨВ. БАКАЛАВРЫН ХӨТӨЛБӨРТ ДОТООДЫН ИХ,
ДЭЭД СУРГУУЛИАС ШИЛЖИН СУРАЛЦАХАД
ТАВИГДАХ ШААРДЛАГА

4.1. МУИС-д шилжин суралцах хүсэлт гаргасан бүртгүүлэгч нь хүсэлт гаргах улирлын өмнөх 2 жилийн хугацаанд хоёр улирал дараалан тус бүр 12-оос багагүй багц цагийн хичээл амжилттай судалсан байх. Үүнд:

4.1.1. МУИС-ийн бүрэлдэхүүн сургуульд бүртгүүлэгчийн нийт суралцсан хугацааны голч дүн төрийн өмчийн их, дээд сургууль 3.0-оос дээш, хувийн өмчийн их, дээд сургууль 3.5-аас дээш байх;

4.1.2. МУИС-ийн салбар сургууль (Завхан, Эрдэнэт)-д бүртгүүлэгчийн хувьд нийт суралцсан хугацааны голч дүн 2.0-оос дээш байх;

4.2. Тус журмын 4.1-т заасан тавигдах шаардлага, голч дүнг хангасан бүртгүүлэгч дараах болзлын аль нэгийг хангасан байна. Үүнд:

4.2.1. Шилжин суралцах сургуулийн ЭЕШ-ын зөрүүгүй буюу суурь болон дагалдах шалгалт нь тухайн жилийн босго оноог давсан байх;

4.2.2. Ерөнхий боловсролын сургуулийн төгсөх ангидаа БСШУСЯ-наас баталсан улсын болон олон улсын олимпиадад оролцож байр эзэлсэн суралцагчдын хувьд шилжин суралцах сургуулийн элсэлтийн ерөнхий шалгалт ЭЕШ-ын зөрүүгүй буюу суурь болон дагалдах шалгалт нь тухайн жилийн босго

¹ Дэлхийн их дээд сургуулийг эрэмбэлсэн жагсаалтад үндэслэнэ.

оноог давсан байвал Бакалаврын өдрийн хөтөлбөрт оюутан элсүүлэх журамд заасны дагуу тухайн чиглэлээр шууд шилжүүлнэ.

4.3. Бакалаврын орой, эчнээ хөтөлбөрт бүртгүүлэгч нь шилжин суралцах хүсэлт гаргах улирлын өмнөх 2 жилийн хугацаанд нэгээс доошгүй улиралд 12-оос багагүй багц цаг цуглувулж, нийт суралцсан хугацааны голч дүн 3.0-аас дээш байх<sup>111/144746
10072 9104399</sup>

**Тав. МУИС-ИЙН БАКАЛАВРЫН ХӨТӨЛБӨР ХООРОНД
ШИЛЖИН СУРАЛЦАХАД ТАВИГДАХ ШААРДЛАГА**

5.1. Бакалаврын өдрийн хөтөлбөрийн бүртгүүлэгч нь өөр хөтөлбөрт шилжин суралцах хүсэлт гаргах улирлын өмнөх 2 жилийн хугацаанд дараалан хоёр улирал тус бүр 12-оос багагүй багц цагийн хичээл амжилттай судалж, мэргэжлийн хөтөлбөрөө сонгосон байх. Үүнд:

5.1.1. МУИС-ийн бүрэлдэхүүн сургуульд шилжин ирэх бол нийт суралцсан хугацааны голч дүн 2.8-аас дээш байх;

5.1.2. МУИС-ийн салбар сургууль (Завхан, Эрдэнэт)-ийн хувьд нийт суралцсан хугацааны голч дүн 2.0-оос дээш байх;

5.2. Тус журмын 5.1-т заасан тавигдах шаардлага, голч дүнг хангасан бүртгүүлэгч дараах болзлын аль нэгийг хангасан байна. Үүнд:

5.2.1. Шилжин суралцах сургуулийн ЭЕШ-ын зөрүүгүй буюу суурь болон дагалдах шалгалт нь тухайн жилийн босго оноог давсан байх;

5.2.2. Ерөнхий боловсролын сургуулийн төгсөх ангидаа БСШУСЯ-наас баталсан улсын болон олон улсын олимпиадад оролцож байр эзэлсэн суралцагчдын хувьд шилжин суралцах сургуулийн элсэлтийн ерөнхий шалгалт ЭЕШ-ын зөрүүгүй буюу суурь болон дагалдах шалгалт нь тухайн жилийн босго оноог давсан байвал Бакалаврын өдрийн хөтөлбөрт оюутан элсүүлэх журамд заасны дагуу тухайн чиглэлээр шууд шилжүүлнэ.

5.3. Бакалаврын орой, эчнээ хөтөлбөрт бүртгүүлэгч нь шилжин суралцах хүсэлт гаргах улирлын өмнөх 2 жилийн хугацаанд нэгээс доошгүй улиралд 12-оос багагүй багц цаг цуглувулж, нийт суралцсан хугацааны голч дүн 2.8-аас дээш байх.

5.4. Бакалаврын орой, эчнээ хөтөлбөрийн сургалтын хэлбэрээ өөрчлөх бол тус журмын 5.3 дахь заалтыг баримтална.

**Зургаа. МАГИСТР, ДОКТОРЫН ХӨТӨЛБӨРТ
ШИЛЖИН СУРАЛЦАХАД ТАВИГДАХ ШААРДЛАГА**

6.1. Магистр, докторын түвшний бүртгүүлэгч нь хүсэлт гаргах улирлын өмнөх 2 жилийн хугацаанд нэгээс доошгүй улирал 6-аас багагүй багц цагийн хичээлийг амжилттай судалсан байх Үүнд:

6.1.1. Гадаад, дотоодын их, дээд сургуулиас МУИС-ийн хөтөлбөр хооронд шилжих бол нийт суралцсан хугацааны голч дүн 2.8-аас дээш байна.

6.1.2. МУИС-ийн салбар сургууль (Завхан, Эрдэнэт)-д шилжих бол нийт суралцсан хугацааны голч дүн 2.5-аас дээш байх;

6.2. Магистр (мэргэжлийн, судалгааны), доктор (өдөр, эчнээ)-ын хөтөлбөрийн сургалтын хэлбэрээ өөрчлөх бол тус журмын 6.1-д заасан тавигдах шаардлага, голч дүнг хангасан байна.

Долоо. ШИЛЖИЛТИЙН БҮРТГЭЛ

1117144746

УЧБРС2/104289

7.1. Шилжилтийн бүртгэлийг хичээлийн жилд хоёр удаа: ~~Унамрын улиралд~~ 07 дугаар сарын 01-ээс 08 дугаар сарын 15-ныг дуустал, хаврын улиралд 12 дугаар сарын 15-наас 01 дүгээр сарын 15-ныг дуустал <https://burtgel.num.edu.mn> бүртгэлийн нэгдсэн системээр бүртгэнэ.

7.2. Бүртгүүлэгч нь бүртгэлийн нэгдсэн системд өөрийн и-мэйл хаяг, нууц үгээ (МУИС-ийн хөтөлбөр хооронд шилжин суралцахыг хүсэгч нь оюутны дугаар, нэвтрэх үгээ) оруулан нэвтэрч зааврын дагуу хүсэлтээ гаргана.

7.3. Бүртгүүлэгч нь бүртгэлийн нэгдсэн систем дэх анкетыг бөглөж, дараах бичиг баримтуудыг оруулна. Үүнд:

- Иргэний үнэмлэх эсвэл түүнтэй адилтгах баримт бичиг (МУИС-ийн хөтөлбөр хооронд шилжих хүсэлт гаргах бүртгүүлэгчид хамаarahгүй);
- Суралцаж байгаа сургуулийн суралцагч мөн болохыг баталсан тодорхойлолт (МУИС-ийн хөтөлбөр хооронд шилжих хүсэлт гаргах бүртгүүлэгчид хамаarahгүй);
- Дүнгийн тодорхойлолт /тухайн сургуулийн сургалтын албаны тэмдэг, албан тушаалтны гарын үсэг, голч дүн, багц цаг бүхий албан бичиг/, (МУИС-ийн хөтөлбөр хооронд шилжих хүсэлт гаргах бүртгүүлэгчид хамаarahгүй);
- Бакалаврын түвшний суралцагч бол бүрэн дунд; Магистрын түвшний суралцагч бол бакалаврын зэргийн; Докторын түвшний суралцагч бол магистрын боловсрол эзэмшсэнийг батлах баримт бичиг (МУИС-ийн хөтөлбөр хооронд шилжих хүсэлт гаргах бүртгүүлэгчид хамаarahгүй);
- Бакалаврын түвшний суралцагч тухайн сургуульд элсэхдээ өгсөн ЭШ-ын батламж бичиг (гадаадын их, дээд сургууль болон МУИС-ийн хөтөлбөр хооронд шилжих хүсэлт гаргах бүртгүүлэгчид хамаarahгүй);
- Цээж зураг /Зургийн шаардлагыг бүртгэлийн нэгдсэн системээс үзэх/ (МУИС-ийн хөтөлбөр хооронд шилжих хүсэлт гаргах бүртгүүлэгчид хамаarahгүй);

7.4. Тус журмын 7.3-т заасан бичиг баримт гадаад хэл дээр бол орчуулгыг монгол хэл дээр хийлгэн нотариатаар батлуулсан байна.

7.5. Бүртгүүлэгч нь хэдэн ч хөтөлбөрт шилжин суралцах хүсэлт гаргаж болох ба бүртгүүлсэн хөтөлбөрийн тоогоор бүртгэлийн хураамжийг цахимаар төлнө.

7.6. Бүртгүүлэгч нь бүртгэлийн системд бичиг баримтыг дутуу болон буруу оруулсан тохиолдолд шилжилтийн шалгалтанд оруулахгүй байх үндэслэл болно.

Найм. ШИЛЖИЛТИЙН ШАЛГАЛТ

8.1. Бүртгүүлэгч нь шилжихийг хүссэн хөтөлбөрийн шаардлагын дагуу шалгалт өгнө. Шалгалтыг шилжилтийн комисс хариуцан зохион байгуулна.

8.2. Шалгалт авах хугацаа, байр болон шалгалттай холбоотой дэлгэрэнгүй мэдээллийг бүртгэл хаагдахаас долоо хоногийн өмнө бүртгэлийн нэгдсэн систем <https://burtgel.num.edu.mn> бүртгэлийн нэгдсэн системд элсэлт хариуцсан нэгжийн ахлах мэргэжилтэн байршуулна.

8.3. Шалгалт дууссаны дараа шалгалтын дүнг бүртгэлийн нэгдсэн системд оруулна.

8.4. Шалгалтад авбал зохих нийт онооны 60-аас доошгүй хувийг авсан шалгуулагчдыг оноогоор нь жагсааж, онооны дарааллаар хяналтын тоонд багтаан элсүүлнэ.

8.5. Оноо тэнцсэн тохиолдолд өмнө суралцсан сургуулийн голч дүнг харгалзана.

Ес. ШИЛЖИН СУРАЛЦАХ ЭРХ ОЛГОХ

9.1. Бүртгүүлэгч хэдэн ч хөтөлбөрт бүртгүүлж, шалгуулж болох ба зөвхөн нэг хөтөлбөрт шилжин суралцах эрх авна.

9.2. Хяналтын тоонд багтсан бүртгүүлэгч нь шалгалт авсан өдрөөс хойш ажлын 3 хоногт багтаан бүртгэлийн системд оруулсан баримт бичгийг эх хувиар нь битүүмжилсэн хавтсанд хийж бүрэлдэхүүн сургуулийн бүртгэл хариуцсан мэргэжилтэнд бүртгүүлэн сургалтын мэдээллийн систем ашиглах эрх авна.

9.3. Хяналтын тоонд багтсан бүртгүүлэгч нь энэхүү журмын 9.2-т заасны дагуу бүртгүүлээгүй бол шилжин суралцах эрхээсээ татгалзсан гэж үзэж тус журмын 8.4-т заасан шаардлагыг биелүүлсэн дараагийн хүнд эрхийг шилжүүлнэ.

Арав. БАГЦ ЦАГ ДҮЙЦҮҮЛЭХ

10.1. Шилжин суралцагчийн өмнө үзсэн мэргэжлийн хичээлийн багц цаг дүйцүүлэлтийг Бүрэлдэхүүн/ салбар сургуулийн мэргэжлийн тэнхим, ерөнхий суурь хичээлийн багц цаг дүйцүүлэлтийг Элсэлт, бүртгэл хариуцсан нэгж, хийж шилжүүлэн суралцуулахыг МУИС-ийн захирлын тушаалаар баталгаажуулна (хүснэгт1).

10.2. Бакалаврын түвшний оюутны өмнө судалсан хичээлүүдийн багц цагаас 45 хүртэл багц цагийг шилжүүлэн тооцож болно. МУИС-ийн хөтөлбөр хооронд шилжих тохиолдолд хөтөлбөрүүдийн ижил төстэй байдлаас хамааран дүйцүүлэх багц цаг нь 75 хүртэл байна.

10.3. Магистрын түвшний суралцагчийн өмнө судалсан хичээлүүдийн багц цагаас гадаадын их, дээд сургууль бол 9-өөс, дотоодын их, дээд сургууль бол 6-аас, МУИС-ийн хөтөлбөр хооронд бол 12-оос хэтрэхгүй багц цагийг тус тус дүйцүүлэн тооцож болно.

10.4. Докторын түвшний суралцагчийн өмнө нь судалсан хичээлүүдийн багц цагаас гадаадын нэр хүндтэй их сургууль бол 15-аас, дотоодын их, дээд сургууль бол 9-өөс, МУИС-ийн хөтөлбөр хооронд бол 18-аас хэтрэхгүй багц цагийг тус тус дүйцүүлэн тооцож болно.

10.5. Шилжин суралцагчийн үзэж судалсан тухайн хичээлийн багц цаг нь МУИС-ийн харгалзах хичээлийн багц цагт хүрэхгүй, мөн залгамжтай хичээлийг судлаагүй бол шилжүүлэн тооцохгүй. Багц цагийн дутууг харгалзах цагийн хэмжээгээр нэмж судлах

зэргээр нөхөн гүйцээх боломжгүй. Илүү байгаа тохиолдолд МУИС-д баримталж байгаа тухайн хичээлийн багц цагаар тооцож шилжүүлнэ.

10.6. Хэрэв тухайн сургуулийн багц цагийн тодорхойлолт МУИС-ийнхаас өөр буюу сургалтын агуулгыг цагаар тооцдог бол МУИС-ийн Сургалтын журамд зааснаар шилжүүлэн тооцно.

10.7. Судалсан багц цаг, голч дүнг "МУИС-д хичээл дүйцүүлэх журам"-ын дагуу зохицуулна.

10.8. Дүйцүүлсэн хичээлийг сургалтын мэдээллийн системд тухайн хичээлийн жилийн шилжиж ирсэн улиралд оноож оруулна. МУИС-ийн хөтөлбөр хооронд шилжиж байгаа бол үндсэн үнэлгээгээр, бусад гадаад, дотоодын их, дээд сургуулиас шилжин ирж байгаа бол CR үнэлгээгээр оруулна.

Арван нэг. ШИЛЖИЛТТЭЙ ХОЛБООТОЙ ЗАРДАЛ

11.1. Бүртгэлийн хураамж нь МУИС-ийн удирдах зөвлөлийн баталсан ерөнхий суурийн 1 багц цагийн төлбөртэй тэнцүү байна.

11.2. МУИС-ийн бүрэлдэхүүн/салбар сургууль, хөтөлбөр хооронд шилжин суралцах болзол хангаж, шилжих эрхээ авсан суралцагч шилжилтийн зардал төлөхгүй.

11.3. Гадаад, дотоодын их, дээд сургуулиас МУИС-д шилжин суралцах болзол хангаж, шилжих эрхээ авсан бүртгүүлэгч МУИС-ийн удирдах зөвлөлийн тогтоолын хавсралтаар батлагдсан үйлчилгээний бусад хураамжид заасны дагуу шилжилтийн зардлыг шилжин суралцах хөтөлбөр харьялгадах бүрэлдэхүүн сургуулийн дансанд төлнө.

11.4. Бүртгэлийн хураамжийг 100 хувь МУИС-ийн төвлөрсөн санд төвлөрүүлж шалгалт зохион байгуулах болон бусад зардалд зарцуулна.

Арван хоёр. БУСАД

12.1. Бүртгүүлэгч бүртгүүлэхээс өмнө энэхүү журамтай танилцах үүрэгтэй.

12.2. Суралцагч 1 удаа шилжин суралцахыг зөвшөөрнө.

12.3. Суралцаж байгаа хөтөлбөртөө хөнгөлөлттэй нөхцөлөөр, эсвэл аль нэг байгууллагын гэрээний дагуу элсээгүй байх;

12.4. Магистр, докторын хөтөлбөрт шилжих хүсэлт гаргасан бүртгүүлэгч тухайн түвшний элсэлтийн журмын болзлыг хангасан байна.

12.5. Шилжилттэй холбоотой бичиг баримтыг хуурамчаар үйлдсэн нь тогтоогдвол МУИС-д шилжүүлэн суралцуулахгүй, шилжсэний дараа энэ зөрчил илэрвэл сургуулиас хасна.

12.6. Бүртгүүлэгч системд бүртгүүлсэн боловч МУИС-ийн үйл ажиллагаанаас үл хамаарах шалтгаанаар шалгалт өгөөгүй бол бүртгэлийн хураамжийг буцааж олгохгүй.

х х х

ХУСНАГТ 1
ХУСНАГТ 2
ХУСНАГТ 3

1117144746
УАГДОЛТ 2 9114309

МУИС-д шилжин суралцагчийн багц цаг тооцож, дунг дүйцүүлсэн маягт

Шилжин суралцагчийн эцэг/эх/ийн нэр _____
Суралцаж байсан улс: _____

Бүрэлдэхүүн сургууль, тэнхим:

Шилжин ирж буй тэнхим:

Нэр _____
ИХ, дээд сургууль:

Суралцах хөтөлбөр _____
Суралцах хөтөлбөр _____

№	Шилжин ирж буй хөтөлбөр дэх дүйцэх хичээлийн		Дүн		Өмнөх хөтөлбөрт судалсан хичээлийн		Дүн		Дунг дүйцүүлсэн багшийн		Огноо
	Нэр	Индекс	Barth Har	Oho	Ycrash	Tooh	Darl Har	Oho	Garyn Usag	Ner	
Ерөнхий суурь хичээл											
Мэргэжлийн хичээл											
Нийт дүйцүүлсэн багц цаг'											

Тэнхимийн эрхлэгч:

Хянасан:

Огноо:

/

Хүлээн авсан:
Дун бүртгэл
Хариуцсан
Мэргэжилтэн

/

* Санамж: Суралцагч шилжүүлэн суралцуулах журмын 10.2, 10.3, 10.4 дэх заалтуудыг баримталана.